

Headline	NSTP SC semakin gagah		
MediaTitle	Metro Ahad	Language	Malay
Date	24 Apr 2016	Readership	3,812,000
Circulation	1,270,667	Page No	58
Section	Arena	Journalist	Mohd Badlishah
ArticleSize	194 cm²		
PR Value	RM 22,927		



NSTP SC semakin gagah

Mohd Badlishah Mohd Ali
 badlishah@hmetro.com.my

Kuala Lumpur: Selepas dua perlawanan, prestasi skuad NSTP SC dilihat semakin meningkat terutama apabila menang 1-0 ke atas Astro dan MPPA pada saingan Liga Bola Sepak Media (MFL 2016).

NSTP SC kini berada di kedudukan kedua liga dengan enam manakala carta liga masih lagi dihuni Utusan FC yang mengumpul 8 mata selepas empat perlawanan.

Kini, tumpuan pemain NSTP SC terarah kepada aksi menentang RTM di Stadium Mini MSN Wangsa Maju pe-

tang ini. RTM juga dilabel sebagai pesaing utama dan menduduki tangga ketiga liga dengan empat mata.

Aksi menentang RTM bakal menjadi satu lagi ujian getir buat NSTP SC yang dikendalikan jurulatih Fuad Kassim itu yang sedang dalam usaha mengekalkan rekod tanpa kalah.

Mesej serta sokongan yang diberikan Pengurus Kehormat Kelab Sukan dan Rekreasi NSTP yang juga Pengarang Kumpulan Harian Metro Datuk Mustapa Omar juga berjaya membuatkan semangat pemain NSTP SC semakin berkor-kobar.

Sementara itu, NSTP SC

mendapat suntikan semangat apabila TNB Bangsar tampil menaja jersi baru dan majlis penyerahan dilangsungkan di ibu pejabat TNB yang turut dihadiri Pengurus Besar Kanan TNB (Hal Ehwal Korporat dan Komunikasi) Datuk Ir Mohd Aminuddin Mohd Amin; Pengurus Kanan TNB (Pengurusan Media) Mohd Arshi Mat Daud; Pengurus Kanan TNB (Pengurusan Media) Nor Hanim Idris dan Fazreen Eksan.

Pasukan NSTP SC diwakili pengurus Azis Ngah; penolong pengurus Ibrahim Aizuddin, kapten Shahir Othman dan Wan Huzaairy Wan Husain.